



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Libellus Sodalitatis: Hoc Est: Christianarum Institutionum
Libri quinque**

Coster, Franciscus

Antverpiæ, 1587

16 De personis inferni.

[urn:nbn:de:hbz:466:1-46553](#)

DE PERSONIS INFERNI.

DELECTARI soles multitudine ministeriorū, suavitate sociorū, forma puerularū, amicorum numero, parasitorum turba. Iam hic apud inferos perpēde, obsecro, quos sis reperturus contubernales, quos amatores, quos fautores, quos assentatores, quos laudatores. Nullus erit ibi famulus tibi, aut seruus: dominiū enim, quod in mundo habes, ad alium statim transibit. Tu potius mancipium eris diaboli miserrimum, cuius nutu sicut in voluptatibus perfruendis, ita in cruciatis perferendis te gubernare in omnē æternitatē debebis. Nullus ibi pius aut bonus, nullus fœlix, nullus tui amans, nulla pulchritudo in quoquā: nihil iucundū: omnes scelesti, omnes infelices, miseri, afflicti, omnes maledicti, calamitatū & miseriaū pleni, omnes deniq. capitali odio à te dissidentes. Ecce cum his sociis æuum tibi sempiternum traducendum erit; his domī semper obtemperandū; ab his nunquā vel latum vnguē discedēdum. Ut autem clariū perspicias conditiones formaq. istorum: ubi ad infernum descenderis, tria se offerent personarū genera. Primo, Lucifer dæmonum princeps, & rex super omnes filios superbiæ, cuius deformitas, immanitas, atq. malitia tanta est, ut eius præsentiam ferè non minus horreant dæmones, animcq. damnatae, quam Dei suauissimum vultum intueri desiderent. In scripturis variis nominibus appellata-

Apoc. 12. pellatur: à fœditate & truculentia draco; à no-
3. Pet. 5. cendi desiderio leo rugiens, à magnitudine ac
 potentia, Behemoth & Leviathā, hoc est, ba-
 lena. Tu igitur in mediis illis fūfernī incen-
 diis, cogita instar montis altissimi monstrum
 (minus enim cogitare nō debes, si, vt Domi-
 nus Prophetæ Iobo indicauit, absorbeat flu-
 uium, & non miretur) specie & figura draco-
 nis, squamis carentibus horribile, ex cuius
 oculis flamma, ex naribus fumus, quasi ex fer-
 uente olla, & ex ore ignis horrificus longela-
 teq. spargatur; cuius vires tantæ sint, vt nem-
 ē metuat, tāta malitia, vt nemini parcat; tan-
 tum nocendi omnibus desideriū, vt nihil pre-
 ter cruciatus, pœnas, & tormenta cogitat. Hu-
 ius præclaræ bestiæ dominatus tibi ferendus
 est in inferno, si eius, in hoc sæculo, legibus &
 consiliis te iuuat obsecūdare. Sunt deinde dæ-
 mones reliqui, minori quidē deformitate &
 malitia, sed eiusmodi tamen, vt aspectus eoru-
 supra omnē modum terreat atq. affligat, vnde
 & variis similitudinibus. In sacrificiis litteris de-
 scribuntur: Serpentis, locustarum, dentiū leon-
 inorū, caudariū scorpionum, equorum fero-
 ciū, qui habeant leonum capita, ignemque,
 fumum, & sulphur euomāt. Affirmant B. Ber-
 nardus & Cassian⁹, monachos quosdā ad aspe-
 ctum dæmonis ita territos, corruisse, vt multo
 tempore sensibus destituti iacuerint, & præ me-
 tu ferē mortui fuerint. Si tam terribiles appa-
 rent in terra non sua, sed nostra: quales, quæso,
 se exhibebūt in terra sua? Horum munus est,

Apoc. 9.

torquere damnatos, quod ex naturæ ingeniiq.
 subtilitate, longaq. exercitatione accuratè no-
 uerunt, & peccatitudinem, odiumq. hominum,
 diligentissimè præstant: non enim foris tantū,
 ut carnicices nostri, tormenta adhibent, sed pro
 sua subtilitate, intima corporis viscera, mem-
 braq. omnia penetrant, & excarnificant, sicut
 in hominibus obsessis non obscurè videmus:
 neq. in corpus solum saeuunt, sed anima ip-
 sam penitus peruadunt, & dirissimis cruciati-
 bus implacabiliter afficiunt. Ecce hi domini
 tui, quibus sicut in amplectendis voluptatibus
 voluisti auscultare, ita in suscipiendis tormentis
 cogēris obtoperare. Tertiò, sunt dānati ho-
 mines adæmonibus, si animas spectes, non
 multum differentes, quorū vultus (ut ait Pro- *Ioel. 2.*
 pheta) redigētur in ollam, pleni odio, malitia,
 blasphemias: si verò corpora intuearis, nihil
 est fœdius, horribilis, detestabilius. Prophe-
 ta eos stercoribus cōparant, ob incredibilem
 factorē, & contempnum: Facti sunt ut sterlus *Psal. 82*
 terre: Et corpora eorum sicut stercora: Et facta *Soph. 1.*
 sunt morticina corū, quasi sterlus in medio *Isiae 5.*
 platearum. Esaias his verbis damnatorū cor- *Isiae 66.*
 pora describit: Et egredientur (Sancti) & vi-
 debunt caduera virorū, qui præuaricati sunt
 in me: vermis eorū non morietur, & ignis eo-
 rū non extinguetur, & erunt usq. ad satietatē
 visionis omni carni. Hoc est, Sancti, ad suam
 maiorem gloriam & consolationē, intuebun-
 tur de cœlis miseros illos, qui in inferno cru-
 ciantur; eorumq. corpora videbunt continēter

à ver-

à vermibus corrodi, & perpetuis ignibus cre-
mari; tantaq. fœditate, & abominatione, vt
nausea & horrort incutere, & ouere possint
spectantibus. Proinde quemadmodū in lauto
conuiuō nausea est, & horror de stercoribus,
hulcerib⁹, semieso & putrefacto hominis fœ-
tente cadauere, non dico verbis mentionē fa-
cere, sed vel mente sola cogitare: Ita dedigna-
buntur Beati damnatorū meminisse. Horum
miserorum, fœtidorū, calamitosorū consuetu-
dine frueris in perpetuū. Si igitur pauperum,
mendicorū, & pediculosorum hominum con-
fortium refugis; si infirmos, miseros, & affli-
ctos horres visere: si chirurgi sectiones, carni-
ficium torturas, miserorum ulcera & vulnera,
non sine animi dolore & horrore vides: quo
animo eris apud hos miseros, quorum dolores,
cruciatus, miseriæ, & calamitates omnem co-
gitationem superant?

CAPVT XVII.

DE POENIS CORPORVM.

ACCEDE proprius, & intuere, inter-
noq. sensu percipe, quas miseri susci-
neant pœnas, atq. intellige hanc dam-
natorum conditionē & vitam esse statū ma-
lorum omnium aggregatione perfectum: ibi
nihil esse boni, nihil deesse mali; nihil esse eo-
rum, quæ velles; nihil deesse eorū quæ nolles;
nullum membrum, nullam facultatē, nullam
potentiam dolore & cruciatu vacuā esse. De-
sideras, Primō, cibum potumque, & vitæ su-

sten-